

ШАХДИ БАЛАНД БУНЁДКОР ХАЛҚИМ

Бугун Ўзбекистон илғор ғоя ва ташаббуслари билан халқаро майдонда алоҳида эътироф этилмоқда. “Фаол тадбиркорлик, инновацион ғоялар ва технологияларни қўллаб-қувватлаш йили”дан сўнг унинг манتيқий давоми сифатида бу йил “Фаол инвестициялар ва ижтимоий ривожланиш йили” деб номланиши бежиз эмас. Давлат дастури ва унинг ижросини таъминлашда амалга оширилаётган ишлар салмоғи минг йилларга татиғулик. Жаҳон тажрибаси шуни кўрсатадики, қайси давлат фаол инвестиция сиёсатини юритган бўлса, ўз иқтисодиётининг барқарор ўсишига эришган. Шу сабабли, инвестиция – иқтисодиёт драйвери дейилади.



Бу борада Сирдарё вилоятида амалга оширилаётган ишлар эътиборга молик. Яратилаётган қулайликлардан аҳоли рози.

Вилоятда 2019 йил давлат дастурларига асосан тижорат банклари томонидан ажратилган 6 260 млн. сўм маблағ ҳисобидан кўп хонадонли уйларнинг атрофидаги 1 230 та ноқонуний қурилмалар бузилиб, мавжуд ертўлалар тозаланиб,

49 та уйнинг том, 112 та уйнинг фасад қисми, 298 та кириш йўлаклари ва 178 та уйнинг электр тақсимловчи шитлари таъмирланди ҳамда 22 та кириш йўлакларига темир эшик, 470 м² фрамугаларига пластик ромли ойналар ўрнатилди. Кўп қаватли уйларнинг туташ ҳудудларини ободонлаштириш бўйича 24 291 м² нотуражойлар бетон қопламаси билан қопланиб, 19 та





болалар майдончаси, 27 та тандирхоналар куриб, битказилди ҳамда 42 та тунги ёритиш мосламалари ўрнатилди.

Республика Президентининг “Сирдарё вилоятининг Боёвут, Ховос, Мирзаобод, Сардоба ва Оқолтин туман марказлари ва аҳоли пунктларининг ичимлик суви таъминотини яхшилаш” ҳақидаги қарори лойиҳаси Жаҳон банки иштирокида амалга оширилиши белгиланган. Қарорга мувофиқ лойиҳа умумий қиймати 138,65 млн. АҚШ долл., шундан Жаҳон банки кредит маблағлари 88,0 млн. АҚШ долл.ни ташкил этади.

Давлатимиз раҳбарининг 2017 йил 27 февралдаги Ислоҳ тараққиёт банки иштирокидаги “Сирдарё вилояти Гулистон, Янгиер ва Ширин шаҳарлари канализация тизимини реконструкция қилиш ва кенгайтириш” қарори қабул қилинган. Лойиҳанинг умумий қиймати 75,54 млн. АҚШ долл., шундан чет эл инвестицияси учун 57,5 млн. АҚШ долл.ни ташкил этиб, сарфланиши режалаштирилган.

Бугунги кунда лойиҳа-смета ва тендер ҳужжатларини ишлаб чиқиш, махсус машина ва механизмлар харид қилиш ишлари амалга оширилмоқда.

Мамлакатимизда инвестиция сиёсатини тубдан такомиллаштириш ва ислоҳ қилиш, уни амалга ошириш юзасидан замонавий, самарали ёндашув ва механизмларни жорий этиш,

шунингдек, инвестиция жараёнларини жадаллаштириш ва, умуман, ишбилармонлик муҳитини яхшилаш бўйича изчил чора-тадбирлар амалга оширилмоқда.

Келгусидаги режалар ҳақида тўхталадиган бўлсак, Президентимизнинг 2018 йил 19 декабрдаги “Ўзбекистон Республикасининг 2019 йилга мўлжалланган инвестиция дастурини амалга ошириш чора-тадбирлари тўғрисида”ги қарори асосида вилоятга жорий йилда 89,4 млрд. сўм республика бюджети маблағлари ҳисобидан 271,1 км сув оқава қувурлари тортилади.

2019 йил учун Инвестиция дастури асосида шаҳар ва қишлоқларни ичимлик суви билан таъминлаш учун 28,8 млрд. сўм маблағ ажратилиши режалаштирилган бўлиб, 98,8 км ичимлик суви ва оқава сув қувурларининг тортилиши белгиланган.

Бугунги кунда 52,5 км масофада ичимлик суви тармоқлари, 4 дона ичимлик суви иншоотлари, 4 дона сув минораси ўрнатилиб, 2 дона сув сақлаш ҳовузи таъмирланди. Пудратчи корхоналарга 13,7 млрд. сўм маблағ ўтказилиб, 16,4 млрд. сўмлик ишлар бажарилди. Ҳозирги вақтда айрим объектларда қурилиш ишларининг сўнгги босқич ишлари олиб борилмоқда.

Бундан ташқари, “Ўзбекистон Республикаси Президентининг 2017 йил 20 апрелдаги “2017–2021 йилларда ичимлик суви таъминоти

ва канализация тизимларини комплекс ривожлантириш ҳамда модернизация қилиш дастури тўғрисида”ги қарорига мувофиқ “Сирдарё вилоятининг Сирдарё, Гулистон ва Сайхунобод туманларида ичимлик суви таъминотини такомиллаштириш” истиқболли лойиҳасини амалга ошириш белгиланган. Лойиҳани Жаҳон банки кредит маблағлари ҳисобидан амалга ошириш режалаштирилган. Лойиҳа доирасида қуввати бир кеча-кундузда 15 минг м³ сув иншоотини қуриш, 4 та сув иншоотини реконструкция қилиш, 241 дона скважиналар ўрнатиш ва бошқа чора-тадбирлар кўзда тутилган.

“Обод қишлоқ”, “Обод маҳалла” ва намунавий уй-жойлар ҳамда хизмат уйлари, массивлари ичимлик суви таъминоти тизимини яхшилаш учун 57,7 млрд. сўм (Обод қишлоқ 35,7 млрд. сўм, Обод маҳалла 22,0 млрд. сўм) маблағ ажратилди. Вилоятда режага кўра 279,1 км сув қувурлари



тортилиши белгиланган.

Хулоса ўрнида шуни айтиш жоизки, вилоятда ҳар қачонгидан-да иш қизғин. Сирдарёликларнинг қувончи чексиз. Сабаби, вилоятда коммунал соҳа энг оғриқли масала эди. Давлатимизнинг эътибори билан сирдарёликларнинг азалий орзулари амалга ошмоқда.

Ш.РАДЖАБОВ, К.ЎЛМАСОВ

